

ք. Երևան

«08» 07 2021թ.

ՀՀ ոստիկանությունը, ի դեմս ոստիկանության պետի տեղակալ, ոստիկանության գնդապետ Վ. Մովսիսյանի այսուհետ՝ Պատվիրատու, որը գործում է կանոնադրության հիման վրա, մի կողմից, և **ՀՀ ԳԱԱ «Փորձաքննությունների ազգային բյուրո» ոչ առևտրային կազմակերպությունը**, ի դեմս տնօրեն Ա. Հովսեփյանի, որը գործում է Կազմակերպության կանոնադրության հիման վրա, այսուհետ՝ Կատարող, մյուս կողմից (այսուհետ՝ միասին՝ Կողմեր), կնքեցին սույն պայմանագիրը հետևյալի մասին

1. Պայմանագրի առարկան

1.1. Սույն պայմանագրով Կատարողը պարտավորվում է Պատվիրատուի առաջադրանքի հիման վրա կատարել սույն պայմանագրի **թիվ 1 հավելվածով** նախատեսված ծառայության բնութագրին համապատասխանող փորձաքննությունը և տրամադրել փորձագետի եզրակացությունը (այսուհետ նաև՝ Ծառայություն), իսկ Պատվիրատուն պարտավորվում է ընդունել վերջինիս արդյունքը և վճարել դրա համար:

1.2. Փորձաքննությունը (հետազոտությունը, փորձարկումը, գնահատումը) իրականացվում է հետևյալ տեխնիկական առաջադրանքը կատարելու (առաջադրված հարցերը պարզաբանելու) համար.

հարց 1. Համաձայն հավելված 2-ի /Որոշում/:

2. Կողմերի իրավունքները և պարտականությունները

2.1 Պատվիրատուն իրավունք ունի՝

2.1.1. Կատարողից պահանջել սույն պայմանագրի պայմաններին համապատասխան ապահովել փորձաքննության կատարումը, եզրակացության կազմումը և իրեն տրամադրումը,

2.1.2. հարցում անել Կատարողին Ծառայության մատուցման ընթացքի վերաբերյալ՝ առանց խոչընդոտելու վերջինիս աշխատանքին,

2.1.3. Ծառայության մատուցման ընթացքում ի հայտ եկած նոր հանգամանքների հետևանքով, Կատարողի հետ համաձայնեցված ժամկետով, պահանջել երկարաձգելու սույն պայմանագրի գործողության ժամկետը,

2.1.4. հրաժարվել սույն պայմանագրի կատարումից և պահանջել վաղաժամկետ լուծել այն՝ միաժամանակ Կատարողին վճարելով պայմանագրի 5.1 կետով սահմանված գնի 50 (հիսուն) տոկոսը, եթե փորձագետը արդեն ձեռնամուխ է եղել Ծառայության մատուցմանը և կատարել է հետազոտելի օբյեկտի հետազոտություն, իսկ հետազոտությունը կատարված չլինելու դեպքում՝ վճարել Կատարողի կողմից փաստացի կատարված ծախսերը,

2.1.5. Կատարողից պահանջել պատշաճ կերպով կատարելու սույն պայմանագրով ստանձնած պարտականությունները:

2.2. Պատվիրատուն պարտավոր է՝

2.2.1. տրամադրել փորձաքննության համար անհրաժեշտ հետազոտելի օբյեկտը՝ ըստ անհրաժեշտության ձեռնարկելով Կատարողի անվտանգությունն ապահովող համապատասխան միջոցներ,

2.2.2. չմիջամտել Ծառայության մատուցմանը,

2.2.3. Կատարողի գրավոր միջնորդության հիման վրա, հնարավոր սեղմ ժամկետում, սակայն ոչ ուշ, քան միջնորդությունը ստանալու օրվանից սկսած 10 (տաս) օրվա ընթացքում, վերջինիս տրամադրել փորձաքննության (հետազոտության, փորձարկման, գնահատման) կատարման համար անհրաժեշտ փաստաթղթեր, նյութեր և այլ ելակետային տվյալներ պարունակող օբյեկտներ,

2.2.4. ըստ անհրաժեշտության, Կատարողի պահանջով կամ իր նախաձեռնությամբ, մասնակցել Ծառայության մատուցմանը,

2.2.5. ընդունել կազմված եզրակացությունը՝ սույն պայմանագրով նախատեսված կարգով,

2.2.6. սույն պայմանագրի 5.1 և 5.2 կետերին համապատասխան Կատարողին վճարել սույն պայմանագրի գինը,

2.2.7. տալ գրավոր թույլտվություն ներկայացված հետազոտելի օբյեկտը /-ները/ մասակի վնասելու, խարտելու համար,

2.2.8. պատշաճ կերպով կատարելու սույն պայմանագրով ստանձնած իր պարտականությունները:

2.3. Կատարողն իրավունք ունի՝

2.3.1. Պատվիրատուից պահանջել կատարելու իր կողմից ներկայացված միջնորդության մեջ նշված պահանջը,

2.3.2. սույն պայմանագրի կատարման ընթացքում ի հայտ եկած նոր հանգամանքների հետևանքով, Պատվիրատուի հետ համաձայնեցված ժամկետով, պահանջել երկարաձգելու սույն պայմանագրի գործողության ժամկետը,

2.3.3. Պատվիրատուի կողմից սույն պայմանագրի 2.2.1 և (կամ) 2.2.3 կետերով նախատեսված պարտականությունների չկատարման (մասնակի կատարման) դեպքում գրավոր տեղեկացմամբ կասեցնել իր պարտավորության (դրա համապատասխան մասի) կատարումը կամ հրաժարվել սույն պայմանագրի կատարումից՝ վաղաժամկետ լուծելով այն և պահանջելով վճարել Պայմանագրի գնի 50 տոկոսը, եթե փորձագետը արդեն ձեռնամուխ է եղել Ծառայության մատուցմանը և կատարել է հետազոտելի օբյեկտի հետազոտություն, իսկ հետազոտությունը կատարված չլինելու դեպքում՝ վճարել Կատարողի կողմից փաստացի կատարված ծախսերը: Կասեցման ժամկետն ավարտվում է կասեցման համար հիմք հանդիսացող պարտավորությունը (պարտավորությունները) Պատվիրատուի կողմից ամբողջությամբ կատարելու օրը:

2.3.4. Պատվիրատուից պահանջել սույն պայմանագրի պայմաններին համապատասխան վճարելու պայմանագրի գինը,

2.3.5. հրաժարվել սույն պայմանագրի կատարումից և պահանջել վաղաժամկետ լուծել այն՝ Պատվիրատուի վնասները լրիվ հատուցելու պայմանով,

2.3.6. անհրաժեշտության դեպքում մասակի վնասել, խարտել հետազոտելի օբյեկտը /-ները/,

2.3.7. Պատվիրատուից պահանջել պատշաճ կերպով կատարելու սույն պայմանագրով ստանձնած իր պարտականությունները:

2.4. Կատարողը պարտավոր է՝

2.4.1. Պատվիրատուի կողմից ներկայացված նյութերի հիման վրա, սույն պայմանագրով սահմանված ժամկետում մատուցել Ծառայությունը՝ տվյալ ոլորտը կարգավորող օրենքների, այլ նորմատիվ ակտերի, ինչպես նաև ՀՀ օրենսդրությամբ սահմանված պահանջների ու մեթոդների համաձայն,

2.4.2. Ծառայության մատուցմանն ուղղված աշխատանքներն իրականացնել Պատվիրատուի նշած օբյեկտների գտնվելու վայրում, եթե դրանք Կատարողի մոտ տեղափոխելը դժվարին է կամ հնարավոր չէ,

2.4.3. Պատվիրատուի հարցումով տեղեկացնել նրան Ծառայության մատուցման ընթացքի մասին,

2.4.4. միայն Պատվիրատուի գրավոր համաձայնությամբ փորձաքննության (հետազոտության, փորձարկման, գնահատման) կատարմանը ներգրավել երրորդ անձի,

2.4.5. անհապաղ տեղեկացնել Պատվիրատուին՝ սույն պայմանագրով սահմանված ժամկետում Ծառայության կատարումն ավարտին հասցնելուն խոչընդոտող Կատարողից անկախ առաջացած հանգամանքների և դրանց հնարավոր տևողության մասին,

2.4.6. Պատվիրատուի կողմից գրավոր պահանջ ներկայացվելու օրվանից սկսած 2 (երկու) աշխատանքային օրվա ընթացքում անհատույց վերացնել հայտնաբերված տեխնիկական թերությունները,

2.4.7. սույն պայմանագրի կապակցությամբ ձեռք բերված տեղեկությունները տրամադրել հետաքննության, նախաքննության մարմիններին, դատարանին կամ այլ մարմիններին՝ միայն ՀՀ օրենսդրությամբ սահմանված կարգով ներկայացված գրավոր հարցման կամ պահանջի հիման վրա, ինչպես նաև խստիվ պահպանել սույն պայմանագրի կնքման և կատարման առնչությամբ իրեն հայտնի դարձած՝ ՀՀ օրենսդրությամբ և այլ իրավական ակտերով պաշտպանվող տեղեկությունների գաղտնիությունը՝ ձեռնպահ մնալով դրանց տարածումից, հրապարակումից, երրորդ անձանց որևէ կերպ տրամադրումից, բացառությամբ օրենքով նախատեսված դեպքերի,

2.4.8. պատշաճ կերպով կատարել սույն պայմանագրով ստանձնած իր պարտականությունները:

3. Փորձաքննության (հետազոտության, փորձարկման, գնահատման) կատարման համար անհրաժեշտ օբյեկտներ տրամադրելու և ստանալու կարգը

3.1. Պատվիրատուն Կատարողին է ներկայացնում փորձաքննության կատարման համար անհրաժեշտ փաստաթղթեր, նյութեր և այլ ելակետային տվյալներ պարունակող օբյեկտներ (այսուհետ՝ օբյեկտներ), ինչպես նաև փորձագետին առաջադրված տեխնիկական առաջադրանքը (հարցերը):

3.2. Եթե օբյեկտը (օբյեկտները) Կատարողի մոտ տեղափոխելը դժվարին է կամ հնարավոր չէ, Պատվիրատուն ներկայացնում է միայն օբյեկտների ցանկը: Այդ դեպքում Պատվիրատուն օբյեկտը (օբյեկտները) ներկայացնում է դրա (դրանց) գտնվելու վայրում՝ փորձաքննությունը (հետազոտությունը, փորձարկումը, գնահատումը) կատարող փորձագետի (փորձագետների) պահանջով:

3.3. Սույն պայմանագրի թիվ 2 հավելվածով հաստատված հանձնման-ընդունման արձանագրությունը երկկողմանի ստորագրելուց հետո Կատարողը սույն պայմանագրի կատարման համար իրեն տրամադրված օբյեկտները եզրակացության հետ միասին հետ է վերադարձնում (հանձնում) Պատվիրատուին (բացառությամբ Պատվիրատուի կողմից հետազոտման համար ներկայացված նմուշները հետ չպահանջելու դեպքերի):

3.4. Եթե փորձաքննության մեթոդիկայի համաձայն հնարավոր է հետազոտվող օբյեկտի (օբյեկտների) բուն հատկանիշի (հատկանիշների) վնասում կամ ոչնչացում և (կամ) դրա նշանակության կորուստ, ապա փորձաքննությունը (հետազոտությունը, փորձարկումը, գնահատումը) կատարվում է տվյալ հանգամանքը Պատվիրատուի հետ համաձայնեցնելուց հետո՝ վերջինիս գրավոր թույլտվությամբ: Օբյեկտի (օբյեկտների) վնասման, ոչնչացման կամ դրա նշանակության կորուստի չափը նշվում է եզրակացության մեջ, որը չի կարող գերազանցել փորձաքննության (հետազոտության, փորձարկման, գնահատման) մեթոդիկայով սահմանված չափը:

4. Պատվիրատուի առաջադրանքի և եզրակացության ընդունման կարգը

4.1. Պատվիրատուի տեխնիկական առաջադրանքը (առաջադրված հարցը) համարվում է Կատարողին տրամադրված՝ անհրաժեշտ օբյեկտները դիմումով ներկայացվող ցանկով Կատարողին տրամադրելու, իսկ օբյեկտները տեղափոխելու դժվարության կամ հնարավոր չլինելու դեպքում՝ դրանք համապատասխան վայրում փորձագետին (փորձագետներին) տրամադրելու պահից:

4.2. Կատարողը եզրակացությունը հանձնում է Պատվիրատուին պայմանագրի Կողմերի կողմից ստորագրված հանձնման-ընդունման արձանագրության, ինչպես նաև հաշիվ-ապրանքագրի հիման վրա:

4.3. Ծառայության մատուցման ավարտի օր է համարվում փորձաքննության ավարտված լինելու և դրա վերաբերյալ Պատվիրատուին մասին իրազեկելու օրը:

4.4. Պատվիրատուն կամ նրա ներկայացուցիչը ստանում է եզրակացությունը ստանում է Կատարողից՝ համապատասխան գրանցամատյանում ստորագրությամբ հաստատելով դրանք ստանալու հանգամանքը:

4.5. Ծառայությունը համարվում է պատշաճ մատուցված, եթե պատվիրատուն ամբողջ ծավալով ընդունում է ծառայությունը և ստորագրում է հանձնման-ընդունման արձանագրությունը:

5. Ծառայության գինը և վճարման կարգը

5.1. Ծառայության գինը կազմում է **73500 (յոթանասուներեք հազար հինգ հարյուր) ՀՀ դրամ**: Պատվիրատուն Ծառայության գինը վճարում է անկանխիկ, Կատարողի՝ սույն պայմանագրում նշված գանձապետական դրամային հաշվին փոխանցում կատարելու միջոցով:

5.2. Ծառայության գինը որոշվում է այն սկսելուց առաջ Կատարողի կողմից ներկայացված օբյեկտի տեսականու և ծավալների որոշման և հաշվարկի հիման վրա՝ Կատարողի մոտ գործող սակագների (որոնց մասին Պատվիրատուն տեղեկացվում է նախապես) համաձայն՝ ըստ սույն պայմանագրի թիվ 1 հավելվածով նախատեսված ծառայության գնի:

5.3. Կողմերի համաձայնությամբ, սույն պայմանագրի ստորագրման օրը, Պատվիրատուն կարող է վճարել կանխավճար՝ Ծառայության գնի ոչ պակաս, քան 50 (հիսուն) տոկոսի չափով: Պատվիրատուն Ծառայության գնի չվճարված մասը պարտավորվում է վճարել ոչ ուշ, քան Կողմերի կողմից սույն պայմանագրի անբաժանելի մաս հանդիսացող թիվ 2 հավելվածի համաձայն կազմված հանձնման-ընդունման արձանագրությունը ստորագրելու օրը:

6. Պայմանագրի գործողության ժամկետը

6.1. Սույն պայմանագիրն ուժի մեջ է մտնում դրա երկկողմանի ստորագրման օրվանից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

6.2. Եթե Կատարողը Պատվիրատուին ներկայացնում է սույն պայմանագրի 2.2.3 կետում նշված միջնորդությունը, ապա պայմանագրի գործողությունը, միջնորդությունը Պատվիրատուին հանձնելու օրվանից սկսած, համարվում է կասեցված: Կասեցման ժամկետն ավարտվում է միջնորդության մեջ նշված պահանջը (պահանջները) Պատվիրատուի կողմից ամբողջությամբ կատարելու օրը:

7. Անհաղթահարելի ուժի ազդեցությունը («ՖՈՐՍ-ՄԱԺՈՐ»)

7.1. Սույն պայմանագրով նախատեսված պարտականությունները չկատարելու կամ ոչ պատշաճ կատարելու համար Կողմերն ազատվում են պատասխանատվությունից, եթե դա եղել է սույն պայմանագիրը կնքելուց հետո ծագած անհաղթահարելի ուժի ազդեցության հետևանքով, որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը, նյութերի, այլ միջոցների ձեռք բերման անհնարինությունը և այլն, որոնք անհնարին են դարձնում Կողմերի՝ սույն պայմանագրով նախատեսված պարտականությունների կատարումը:

7.2. Այն Կողմը, որի համար ստեղծվել են անհաղթահարելի հանգամանքները, այդ մասին պետք է անհապաղ տեղեկացնի մյուս Կողմին:

7.3. Եթե արտակարգ ուժի ազդեցությունը շարունակվում է 1 (մեկ) ամսից ավելի, ապա Կողմերից յուրաքանչյուրն իրավունք ունի լուծել սույն պայմանագիրը՝ այդ մասին նախապես տեղեկացնելով մյուս Կողմին:

8. Եզրափակիչ դրույթներ

8.1. Սույն պայմանագրում փոփոխություններ և լրացումներ կարող են կատարվել Կողմերի փոխադարձ համաձայնությամբ՝ համաձայնագիր կնքելու միջոցով: Սույն պայմանագրի հավելվածները, փոփոխությունները և լրացումները դրա անբաժանելի մասն են:

8.2. Կողմերը սույն պայմանագրով նախատեսված պարտականությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ

սահմանված կարգով: Պայմանագրով չկարգավորված հարցերը կարգավորվում են ՀՀ օրենսդրությամբ նախատեսված կարգով:

8.3. Կողմերը պարտավորվում են սույն պայմանագրի պայմաններից բխող, ինչպես նաև Կողմերի պարտականությունների կատարման կապակցությամբ ծագած վիճելի հարցերը լուծել բանակցությունների միջոցով, իսկ համաձայնություն ձեռք չբերվելու դեպքում՝ դատական կարգով:

8.4. Սույն պայմանագիրը կնքվում է հայերեն լեզվով, 2 (երկու) օրինակից, որոնք ունեն հավասարազոր իրավաբանական ուժ: Յուրաքանչյուր Կողմին տրվում է մեկ օրինակ:

9. Կողմերի հասցեները, միմյանց հետ հաղորդակցվելու համար անհրաժեշտ տվյալները, բանկային վավերապայմանները և ստորագրությունները

ՊԱՏՎԻՐԱՏՈՒ

ՀՀ ոստիկանություն

ք. Երևան, Նալբանդյան 130


**ՀՀ Ֆինանսների նախարարության
աշխատակազմի գործառնական
վարչություն**

Հ/Հ 900011021947

ՀՎՀՀ 01533334

հեռ. 59-60-21

Էլ. փոստ: policetv.gnumner@mail.ru


Վ. Մովսիսյան
/ՀՀ ոստիկանության անդի տեղակալ/
(ստորագրություն)


Կ.Տ

ԿԱՏԱՐՈՂ

**«Փորձաքննությունների ազգային բյուրո»
ՊՈԱԿ**

**ՀՀ, ք. Երևան, Իսակովի 24
հեռ.՝ (374-10) 77-77-10**


**ՀՀ ՖՆ գործառնական վարչություն,
Երևանի թիվ 1 ՏԳԲ
ՀՀ՝ 900018005588
ՀՎՀՀ՝ 01836525**


/Տնօրեն/
Ա. Հովսեփյան
(ստորագրություն)

Կ.Տ

ԾԱՌԱՅՈՒԹՅԱՆ ԲՆՈՒԹԱԳԻՐԸ ԵՎ ԳԻՆԸ

N	Կատարվելիք փորձաքննության (հետազոտության, փորձարկման, գնահատման) տեսակը (ենթատեսակը), կողը	Փորձաքննության (հետազոտության, փորձարկման, գնահատման) տեսակի (ենթատեսակի) օբյեկտները	Չափման միավորը (հատ, ժամ և այլն)	Միավորի քանակը	միավորի գինը՝ առանց ԱԱՀ-ի	Ծանա- յության գինը (ՀՀ դրամ)
1.	2.	3.	4.	5.	6.	7.
1.	21- դատաբժշկական փորձաքննություն /21-05/	Հետազոտելի օբյեկտ	1-րդ կարգ	1	73500	73500
	Ընդամենը					73500

ՊԱՏՎԻՐԱՏՈՒ
ՀՀ ոստիկանություն
ք. Երևան, Նալբանդյան 130
ՀՀ Ֆինանսների նախարարության
աշխատակազմի գործառնական
վարչություն
Հ/Հ 900011021947
ՀՎՀՀ 01533334
հեռ. 59 60 21
Էլ. փոստ: policefv.gnumner@mail.ru


Վ. Մկրտչյան
/ՀՀ ոստիկանության պետի տեղակալ/
(ստորագրություն)
Կ.Տ

ԿԱՏԱՐՈՂ
«Փորձաքննությունների ազգային բյուրո»
ՊՈԱԿ
ՀՀ, ք. Երևան, Իսակովի 24
հեռ.՝ (374-10) 77-77-10
ՀՀ ՖՆ գործառնական վարչություն,
Երևանի թիվ 1 ՏԳԲ
ՀՀ՝ 900018005588
ՀՎՀՀ՝ 01836525


Ա. Հովսեփյան
/Տնօրեն/
(ստորագրություն)
Կ.Տ
01836525

ՈՐՈՇՈՒՄ

Ոստիկանության բժշկական վարչությունում ստացվել է ոստիկանության կադրերի ռեգերվում գտնվող, բժշկական ծառայության մայոր Գագիկ Թունյանի ոստիկանության պետին հասցեագրած <<02.04.2021թ.>> թվագրմամբ զեկուցագիրն այն մասին, որով վերջինս խնդրել է վերանայել բժշկական հանձնաժողովի 2021թ. փետրվարի 5-ի թիվ 172-րդ որոշումը և իրականացնել կրկնակի բժշկական փորձաքննություն:

Ծառայողական քննության ընթացքում պարզվել է, որ մայոր Գագիկ Թունյանը 2020թ. հոկտեմբերի 2-ից մինչև հոկտեմբերի 6-ը ծառայություն է իրականացրել Արցախի Հանրապետության Զրական /Զաքրախ/ բնակավայրում, որտեղ դեռևս չպարզված հանգամանքներում 2020թ. հոկտեմբերի 5-ի գիշերը ստացել է մարմնական վնասվածք և 2020թ. հոկտեմբերի 7-ին տեղափոխվել է Սիսիան քաղաքում գտնվող ՀՀ ՊՆ թիվ 60913 զորամասի բուժկետ: Այնուհետև նույն օրը դիմել է Երևան քաղաքի «Արթմեդ» բժշկական վերականգնողական կենտրոն ՓԲ ընկերություն, որտեղ պարզվել է, որ վերջինս ստացել է «Գլխուղեղի կոնտուզիա (սալջարդ), հետկոնտուզիոն համախտանիշ, ասթենո-նևրոտիկ համախտանիշ, ողնաշարի գոտկասրբանային հատվածի դեգեներատիվ-դիստրոֆիկ փոփոխություններ, մ/ո դիսկերի ճողվածքներ՝ արտահայտված ցավային, կոմպրեսիոն համախտանիշով, հենաշարժական ֆունկցիայի խանգարմամբ, կոնքի օրգանների ֆունկցիայի չափավոր խանգարմամբ, աջ ազդրի վերին 1/3-ի դիաֆիզի կոտրվածք՝ առանց տեղաշարժի» վնասվածքներ, որի կապակցությամբ նույն բժշկական կենտրոնում մինչև 2020թ. հոկտեմբերի 20-ը ստացիոնար բուժում է ստացել:

Մայոր Գագիկ Թունյանը հայտնել է, որ մարտական գործողություններ կատարելու ժամանակ՝ մոտակայքում արկի պայթյունի ալիքի հետևանքով, վայր է ընկել և ստացել է վերը նշված մարմնական վնասվածքները:

«Արթմեդ» բժշկական վերականգնողական կենտրոն ՓԲ ընկերությունից ստացվել են մայոր Գագիկ Թունյանի հիվանդության պատմագրի պատճենները:

Նկատի ունենալով, որ առաջացած մի շարք հարցերի պարզաբանման համար անհրաժեշտ է դատական բժշկության բնագավառի հատուկ մասնագիտական գիտելիքներ, ուստի հիմք ընդունելով «ՀՀ ոստիկանության կարգապահական կանոնագիրքը հաստատելու մասին» ՀՀ օրենքի 25-րդ հոդվածի «է» կետի պահանջը.

1. Նշանակել դատաբժշկական փորձաքննություն և դրա կատարումը հանձնարարել «Փորձաքննությունների ազգային բյուրո» ՊՈԱԿ-ի փորձագետներին՝ միաժամանակ հանձնարարել կազմակերպության տնօրենին՝ պարզաբանել փորձագետին ՀՀ քրեական դատավարության օրենսգրքի 85-րդ հոդվածով նախատեսված իրավունքներն ու պարտականությունները և նախազգուշացնել ՀՀ քրեական օրենսգրքի 338-րդ հոդվածով նախատեսված կեղծ եզրակացություն տալու համար սահմանված պատասխանատվության մասին:

2. Պարզաբանման համար փորձագետին առաջադրել ներքոհիշյալ հարցերը.

-ինչպիսի վնասվածքներ կան Գագիկ Թունյանի մարմնի վրա, դրանց տեղակայությունը, առաջացման մեխանիզմը, վաղեմությունը, ծանրության աստիճանը, ինչպես առանձին առանձին, այնպես էլ համակցությամբ:

-ինարավոր է, արդյոք Գագիկ Թունյանը մարմնական վնասվածքները ստանար որոշման մեջ նկարագրված հանգամանքներում, թե՛ ոչ:

3. Փորձագետին իրավունք վերապահել պատասխանել նաև այն հարցերին, որոնք թեև նշված չեն սույն որոշման մեջ, սակայն կարող են առաջանալ փորձաքննության ընթացքում, կմտնեն դատաբժիշկ փորձագետի իրավասության մեջ և որոնց պարզաբանումը կարող է կարևոր նշանակություն ունենալ փորձաքննության լիարժեքության ապահովման համար:

4. Փորձաքննության անցկացման համար փորձագետին ներկայացնել որոշման օրինակը, «Արթմեդ» բժշկական վերականգնողական կենտրոն ՓԲ ընկերությունից ստացված մայր Գագիկ Թունյանի հիվանդության պատմագրի պատճենը՝ «38» թերթ և և ՀՀ ՊՆ թիվ 60913 զորամասի բուժկետ դիմելու վերաբերյալ տեղեկանքի պատճենը՝ «1» թերթ:

ՊԱՏՎԻՐԱՏՈՒ

ՀՀ ոստիկանություն

ք. Երևան, Նալբանդյան 130

ՀՀ Ֆինանսների նախարարության
աշխատակազմի գործառնական

վարչություն

Հ/Հ 900011021947

ՀՎՀՀ 01533334

հեռ. 59-60-21

Էլ. փոստ: policetv.gnumner@mail.ru



ԿԱՏԱՐՈՂ

«Փորձաքննությունների ազգային բյուրո»

ՊՈԱԿ

ՀՀ, ք. Երևան, Իսակովի 24

հեռ.՝ (374-10) 77-77-10

ՀՀ ՖՆ գործառնական վարչություն,

Երևանի թիվ 1 ՏԳԲ

ՀՀ 900018005588

ՀՎՀՀ՝ 01836525

